

# Mud Volapüka

Nüm 54

28 prilul 2017

---

## Bukemaboed

Fövot lekoned-mära yutopik  
„Ventürs hiela ‚Nenolikan‘ e flenas omik“  
fa hiel „N. N. Nosov“

Kapit folid. Vio Nenolikan äpoedom poedotis.

Posä Nenolikan no ivedom pänanu, esludom ad vedön poedanu e poedön poedotis. Äkosädom ko poedan, kel älödom pö Taraka-süt. Nemu veratik ona äbinon ‚Pudül-an‘, ab, vio sevädos, poedans valik vemo löfons nemis jönik. Klu, kü Pudülan eprimom ad poedön poedotis, evälom nemi votik ed eprimom ad panemön me nem ‚Florül-an‘.

Balna Nenolikan elükömom lü Florülan ed esagom:

„O Florülan, tidolös obe ad poedön poedotis. Koo vilob binön poedanu.

„Ab labol-li täleni?“ - Florülan esäkom.

„Lesi, labob uti. Binob vemo skiliku“ - Nenolikan egesagom.

„Zesüdos ad blufön uti“ - Florülan esagom. - „Suemol-li: kisu binon rimod?“

„Rimod? Nö, no suemob.“

„Rimod komon ven vöds tel finikons leigiko“ - Florülan eplänom. -

„Samo: ‚dog‘ - ‚cog‘, ‚toedil‘ - ‚pinedil‘. Efisuemol-li?“

„Efisuemob.“

„Benö, täno sagolöd rimodi kol vöd ‚lum‘.“

„Brim“ - Nenolikan egesagom.

„Rimodu kinik binon atos: ‚lum‘ - ‚brim‘ <  
üfo? Rimod nonik dabinon pö vöds at.“

„Kikodo? Ga uts finikons leigiko.“

„Atos no binon saidik“ - Florülan esagom. -

„Pö vöds nedos sümön ko ods, dat rimod  
binonöv. Ekö! Ielilölös: ‚staf‘ - ‚naf‘, ‚flam‘ - ‚vam‘,  
‚penäd‘ - ‚diläd‘.“



‚Lum‘ e ‚brim‘

„Esuemob, esuemob!“ - Nenolikan evokädom. - „Staf - naf, flam - vam,  
penäd - diläd! Kio magifö!“

„Täno datikolöd rimodi kol vöd ‚teup‘.“ - Florülan esagom.

„Bufæup“ - Nenolikan egesagom.

„Bufeup kinik?“ - Florülan estunom. - „Vo-li vöd somik dabinon?“

„Ab ut no dabinon-li?“

„Dido, nö!“

„Sleitæup üfo.“

„Kisu binon ‚sleiteup‘ soik?“ - Florülan estunom dönu.

„Sleiteup davedon ven sleitoy bosi“, - Nenolikan eplänom.

„Cütom Ielölöfiko,“ - Florülan esagom - „vöd at no dabinon. Nedos ad  
välön vödis, kels dabinons, ab no datikön.“

„Ab if no kanob cälodön vödi votik?“

„Täno no labol fägis ad poedav.“

„Üfo datikolöd rimodi kol atos.“ - Nenolikan egesagom.

„Benö!“ - Florülan eyilidom.

Elügolom zänodio pö cem, epladom bradis len blöt, eblegükom kapi  
flanio ed eprimom ad letikön. Poso älöpiologom ed ätikom dalogölo nufedi.  
Poso egleipom me nams cüni okik ed ätikom dalogölo gluni. Efiduinölo  
valikosi at, eprimom ad zigolön pö cem ed ätisagom:

„Teup, cubæup, blägæup, tuvæup, givæup, blunæup...“

Ämurülom soiko lunüpo, pas täno esagom: „Bö! Kinu vöd at binon? Vöd at binon somiku, kol kelik rimod no dabinon.“

„Ekö!“ - Nenolikan äfredom. - „It bligädol vöd is kol kels rimod no dabinon e stetol, das binob nefägiku.“

„Dasumö! binol fägiku, bis lüvolöd eki!“ - Florülan esagom. - „Kap obik eprimon ad dolön. Poedolös uto dat siäm e rimod komonsöv, täno poedots odavedons.“

„Vo-li binos so balugiku?“ - Nenolikan estunom.

„Lesi, so balugiko. Stabatik binälon ad labön täleni.“

Nenolikan efigolom domio e sunädo eprimom ad poedön poedotis. Ünü del lölik äzigolom pö cem, ädalogom nu gluni täno nufedi, ägleipom cüni me nams ed ämurülom bos.

Fino poedotis peblümükons, ed esagom:

„O kompenans, dalilolsöd poedotis kelis epoedob.“

„Liö! dö kis poedots at?“ - valikans änitedälikons.

„Efipoedob atosi tefü ols“ - Nenolikan ekoefom. - „Ekö! büo poedots dö Nolikan: Nolikan neito älovebunom jipi, Bi äsufom nenslipi.“

„Kis?“ - Nolikan evokädom. - „Kitimo älovebunom jipi?“

„Atos pamagon te pö poedots, dat rimod dabinonöv“ - Nenolikan eplänom.

„Ga desinol-li ad poedön neveratodis seimik kol ob? - Nolikan epülsifom.

„Lesi“ - Nenolikan egesagom. - „Kikodo nedos ad poedön verati kol ob üfo? No nedos ad poedön verati, ut dabinon pläo.“

„Ekö! if osteifolöv nemu nogna, tän olepidol!“ - Nolikan etadom. - „Gö! reidolöd kisi epoedol kol votikans?“

„Ekö! lelilolsöd poedoti tefü Spidülan“ - Nenolikan egesagom. - “Spidülan äbinom pö stad faemik, Enüslugom smufükamaferi koldik.“

„O kompetans!“ - Spidulan evokadom. - „Kiosi poedom kol ob? No anuslugob smufukamaferi seimik koldik.“

„Ga no vokadolod“ - Nenolikan egesagom. - „Esagob atosi te ad rimod, das smufukamafer abinon koldiku.“

„Ab anuslugob smufukamaferi ga nonik, ni koldiki, ni hitiki!“ - Spidulan avokadom.

„Ab ga no stetob, das enuslugol smufukamaferi hitik, klu kanol takedikon“ - Nenolikan egesagom. - „Ekö! dalilolod poedotis tefu Baulan: Disi kapakusen Baulana obsik Epladoy keki svidik.“

Baulan enilikom lu bed okik, examom pladi dis kapakusen e pas tano esagom:

„Stupoti! Kek nonik komon iso.“

„Suemol nosi poedav“ - Nenolikan egesagom. - „Atos pasteton te ad rimod, das epladoy, ab jenöfo nek epladon. Ekö! id efipoedob tefu Pilululan.“

„O kompetans!“ - sanan: Pilululan < evokadom. - „Nedos ad finukon mukukami at! Vo-li odalilobs takedo kelosi Nenolikan lugom do obs valik?“

„Saidö!“ - valikans avokadoms. - „No vilobs dalilon plu! Atos no binon



poedots, ab hä=ots [häön+ot] seimik.“

Te Nolikan, Spidulan e Baulan ävokädoms:

„Oreidomöd! If efireidom tefü obs, täno oreidomöd tefü votikans koo.“

„No nedos ad atos! No vilobs! - votikans ävokädoms.

„If no vilols, tän udegolob ad reidön atosi nilädanes“ - Nenolikan  
esagom.

„Kis?“ - täno valikans ävokädoms. - „Nog udegolol ad sästimön obis lo  
nilädans? Te osteifolöv! Täno igo no osteifülol ad lomiogolön.“

„Gudö! o kompenans, no odunob atosi“ - Nenolikan esiom. - „Bisä no  
skanolsös kol ob.“

Sis ettim Nenolikan isludom ad poedön poedotis neai.

*Reidolsös fövoti konota pö nüm fovik.*